



04465

謙谷集卷第三

寄豫堂盛京

辰

以下兩

書

書

秀林注

書

書

梅花有信入郊垌萬里懷君雨雪零木葉雲寒春較晚混
同水合草難青樓船戰伐空楊僕皂帽詩書自管寧蘆酒
盈樽多古意共誰話我在溪亭

春日積雨沈明經荅村萬徵士循初過訪留宿

暮歷輕陰俯檻低多情雙槩劃前溪
杖頭鷺老花吹面門外春寒屐印泥
細雨林宗巾執角相思元伯夜烹雞
鏗前儘有離腸話漫拂塵箋省舊題

答循初即送北上

繫纜勞相訪端居冷似村詩狂驚客座
飲劇濕衫痕檀板

謙谷集卷三

一

歌三疊鴉鉏灌此園看君甚年少待詔入金門

長干曲

月上秣陵城江花暗復明橋邊諸女伴
相喚蹋歌行

大道曲

下馬有垂楊十里珠簾寒少年樓上醉
忘却是長安

長門怨

金屋春深候花穠葉亦香故知今夜雨
添暖入昭陽

玉階怨

鳳管調新曲風清隔院音兔華寒浸水
自向玉階深

画壁

瀑影春虛室蒼然指顧間淋漓王潑墨
濃淡米堆山雨黑雲千樹船迴鳥一灣
終朝歌枕看泉石豈緣慳

嘗新茶

一甌嫩綠浮香細
雨甲冰芽次第開
耐得箇中風味苦
可知舌本有甘回

贈乳巢

學士門楣舊明經
志業深何當誇驥馭
須不稱山林春草
王孫恨梨花夜月
心流傳宮體劇未
必少知音

送坤一應 詔北上

茲行所欣如欲別
乃增悵弟昂得異
姓夙昔雨風傷一
朝驪歌謠去住情
怏怏長安遠相憶
日近還相望漢庭
思顧問山林屢勤
訪新政繼招賢蒲
輪送幾兩君才故
難儔君齒方及壯
沉深陋雕篆特達
空輩行堂前老翁
媪潔白那敵養煌
煌公車門慎莫投
疎放遼陽有孤驥
驥首知北向

謙谷集卷三

二

相見為一言登壇候飛將

謂豫堂

漢鏡詞

得之秦客蒼銅片
古尺寬量三寸面
星辰飾背繚以銘
入土不蝕隸畫青
按圖博古識漢寶
尚方作此真大好
昭陽春映臙脂暖
長門月對蛾眉老
不知許事那復論
殉埋秋塚千年寬
一鋤耕父免遭碎
滿室龍光驚肆噴
琉璃作匣囊盛錦
玉泉一泓長可飲
曉粧粉黛未應前
彝鼎中間恣相品

題華義逸美人

游絲裊作衫裙摺
出向欄前合避風
看看夕陽高露腕
不言心在折花中

呈董明府

出山爲小草在山爲遠志賤子豈敢然
趨起抱深媿公車
需賈董麟鳳乃珍瑞州里信多材胡以菲葑
廁賢侯崇雅
化邑士並羅致後堂梅雨涼心賞摳衣次
苔苔龍門桐百
尺垂蔭地飛鳥遺之音來遊浴新翠
終疑斥鷃朋
妄與冥
鴻二檐雀又何知
所德黃花飼

晚過唐栖

踈雨夜來收輕舸耐薄遊
岸蛙依草切汀火逐漁流
寺靜竹光動村深荷氣秋
稍前還謾泊野戍亂更籌

江南弄

百花生樹芳菲菲
流光動艷獨徘徊
雕梁日午雙燕飛
雙燕飛愁如織
妾江南君塞北

龍笛曲

謙谷集卷三

三

聆音莖立因天安
龍吟泓下初若然
美人靜夜瑤臺吹
瑤臺吹金霜凝肅然
風江波興

採蓮曲

風吹眉暈欹髻鴉
長譚短漿綠坼斜
紅顏嬌出水上花
水上花清無暑天
邊月舟中女

遊女曲

白下門邊望京口
潮生潮落萬楊柳
羅韞嬉春並江走
並江走悲心來杜
鵲叫芍藥開

朝雲曲

瑤姬何在雲英英
姍姍來遲君不行
形相色授心共傾
心共傾忽如失荆
王臺照初日

趙瑟曲

泠泠寶瑟雲和遺籠籠芳樹白玉墀繁英促柱酒滿卮酒
滿卮奉君醉壽千秋樂萬歲

六月二日天台陳三只亭海寧吳大芑君同里陳
二乳巢王五受銘華及堂小集

長夏長關水次門蕭然白晝復黃昏蠹餘賸媿鄴侯軸賓
至聊追河朔樽風曳蟬聲時斷續雨添谿色各清渾我儕
會合誠難事轉覺涼堂笑語溫溫帖分書捕架圖書鄴侯
軸滿庭風露題昌花爲竹

堯先生題
贈先祖句

古意

芳草復芳草江南秋可憐亂砧敲夢急隙月入牀圓尚結
同心帶空吟四角箋黛眉殊未損何日是歸年

試方子魯墨

謙谷集卷三

四

直研如病拭紅絲想想見煎膠入妙時
槩几儘堪供不律漢庭何羨賜隄麈

聖因寺

行宮樹石迥蒼蒼奉詔今開選佛場
天上漏聲三界曉西來花色一園涼
樓懸江月明眞諦殿擁湖雲洩妙香
仙梵六時聞隔岸依然蓬島在中央

林處士墓

湖上空亭自古今入山何必更深深
已忘郭索鉤輶句尚想寬閒寂莫心
封禪無書一坏土春風有樹幾回吟
魂了華表歸來鶴秋菊寒泉悵不禁

紫陽山

坡迴市穀斷林夾秋陽曖脩然石泉賞卻來
四三輩仙霞

蹟方幻洞壑靜猶對過橋鐘晚撞叩院犬狐吠復出層巔
蒼下見州城內高瀉一江明東邊越山在吾徒幸寡後茲
境豐勝槩細讀薩君碑明朝短笻再

寄呈魯耘莊師

衆道神明宰憐才甚豁翳官齋赤城下詩派大江西冀野
空勞顧雲衢未得梯山陰可乘興一棹溯檣溪

謝友餉黃雀

近說聞湖北兼誇馬籛南海風高便集鞠酒冷同擔十百
勞分致清腴得細叅為君歌樂府猶媿報空函

冬夜述懷四首

浩浩溪風澹夕暉殘年幽寂意多違祇將筆硯為愁伴未
許田園入世機小雪暈梅春氣淺荒苔延逕客蹤稀今明

謙谷集卷三

五

不是寒閨女淚眼臨牕作嫁衣

清宵霜月浸窗寒攤鼻微吟漏點殘水石有綠容抱膝文
章無命笑彈冠細煨楮紅蹲炭深凍簞管翠裏欄待撥
牀頭春一甕惜騰擗放百分寬

途窮阮轍欲何之飄瞥居常覆舊棋盤釘蛤蜊聊下箸場
登傀儡漫寒帷聞雞舞劍心愁劇蕪火繙經眼倦揩堂上
鼎烹安可俟百年今已鬢成絲

幾日椒辛換歲華索居爭不念天涯書傳遼左關門雁夢
繞莆中駟路花望月看雲知有句奉輿戲綵且為家芳樽
吉語團圞聽彈指春風信詎賒

觀朱竹垞查初白兩先生甘泉漢瓦詩墨蹟冊

馬寒中附乞書其首卮冠
以長生未央四字拓本

惜不漁洋也乞書鼎分三足貯吾廬仍將甲乙評量了更
攷林光結搆初

雪夜同乳巢賦

荒城風色暮燈火流年度此際忽相思西谿老樵樹

招芑君以下丁巳

一舍棋花信春風不肯西如何好明月夜夜夢相携

簡芑君眉客湖上

雲微烟澹作素霧晴陰特地春寒惱客心画舫迴時先得句
青旗卓處定開襟鶯花百態催人老南北雙螺過雨深好
在翩翩兩書記段家橋去日招尊

曉過太湖

十幅春風緩張拓淡烟回首吳江郭隄樹沉沉潮約約鏡

謙谷集卷三

六

中船翦朝光薄金庭玉柱青悄然包公動定還年年安得
蘸筆東峰顛三州坐擁醉不眠画出平遠江南天

泊閩門二首

估客帆檣落照邊女牆如画水生烟清明上已忽忽度春

老江南又一年

樓上花枝夢裏雲泰孃何處縷金裙船牕一曲銀河似不
得牢愁說與君

山塘賣花詞

吳兒種花解花語乾能為晴濕能雨人心曲折花身中花
身強與人心同翦裁紮縛髡不已年增月減回天工種成
移向山塘賣盆池盆山花世界枯如老翁嬌小娃觀苔帖
石位置佳客來鮮衣誇勢力買得黃金不論直買花未是

識花人人情好贖誰好真花不上虎邛寺造作豈有天
然春可憐南北還同尚京師亦有花兒匠

喜坤一南歸

還山松竹有前期京洛浮名暫騁馳三十丈夫須不老蓬
蒿我輩莫相疑依然黃帽青鞵客奈此鳴鳩乳燕時淨掃
溪堂能小住狂歌清夜盡深卮

書竹垞先生君平遺鏡歌墨跡後

古銅一片不知歸賺却新詩寶便希能事相須因各壽令
人惆悵對斜暉

題王麓臺侍郎畫冊八首

白雲滂然起意欲飽山腹一峰晴尚朗一峯雨初沐商飈
豈無聲吹入貧家竹伊人午飯餘蕭然自秋屋有琴斷不

謙谷集卷三

七

張無書破還讀但覺深山空安知白日速

淺絳大癡能侍郎尤獨擅不生不熟間一壑一邱變秋氣
得已多時開楚騷面果然維摩詩理愜性情見此本法井
西逼真諒心善如將落日烘坐使疎林舊巖凹靜鐘磬松
頂露臺殿奮翻及茲辰芒屨會將徧

性不耐東絹紙能壽千齡矮箋擘宣德掃落雲峰青菰蘆
溪口榜鳥雀松間亭亦有兩道人據石心沉冥遲生天月
仰高落風泉聆學仙境都幻耽隱德可馨曷不山水娛無
醉亦無醒

小山巋而岌中有處士窩劇思風雪際梅樹花開多無論
春與冬於焉永婆娑中厨引修礎覆扉翳寒蘿蘿深荒迳
轉磴斷危橋過剝啄客來至定聞金石歌

愁心不可極，疊嶂烟江遙。扁舟何帖妥，漁子寒難招。飽看江上山，莫與世網遭。得魚亦不賣，自問山間樵。咫尺辨清境，悵然歌且謠。誤落塵土中，欲去迴驚鷗。

修巖中有溪，纔一開闔。間渾淪不破，碎蒼然成好顏。青黃榭葉林，識是晴秋山。淡濃縮霜氣，刻露那得頑。天光迭含吐，灘影翻鷗鷺。誰歟盤石憇，濯足弄潺湲。

尺幅千里餘，筆端奪元氣。欲以巧盡之，回惶不可乞。江寒落木初，山靜出雲未。豁達無當前，微尋特矜貴。攬之翠不盈，餐之秀難既。始知盪滌功，秋風不無謂。

群嵐滅還明，欲雨猶未雨。漁翁浦溆間，蘆荻各有主。板橋人獨歸，柳樹鴉紛聚。雷聲村角轉，風色渡頭苦。想得田居翁，呼僮視門戶。

謙谷集卷三

八

夏日懷紫薇山莊二首

溪館青桐對碧蕉，南風可柰日炎敲。漸蒙深甌蒸炊劇，苦憶空山雨雪饒。澗水向田清曲屈，風牕列岫曉亭迢。牀竹簟如相對管，取義輪不敢驕。

先公丙舍近西偏，雙硤排青谷。水沿書檻搃，依千箇竹。午涼時，嘒一聲蟬。門前祿穢辭，還往風底蒲葵。洒靜便好向溪南，約吳老藕花攀折上漁船。謂芭君

校明詞綜三首有序

先大父碧巢先生既偕竹垞朱先生有詞綜之刻，後數年復偕藍村沈先生取有明一代之詞，蒐逸訂謚，仍質諸竹垞，以續前輯。猶慮甄綜未備，遲之晚年，竟愆剞劂。暇日出手鈔本，重校之，願有以成先志也。因書其後。

洪武名流未可雙中間才調亦心降不應宴樂新書失解
事翻多自度腔

用修元美迭稱佳那必琵琶調各諧末葉春風吹略徧試
携檀板教吳娃

粉蠹精華卅載餘賞心猶見手鈔初正須棗木流傳亟幼
婦尊前續一書

餘舫題壁

溪頭老屋清無暑萬卷殘編蝨蝕餘隔院晚風梧子落半
簾新月竹陰疎倏來雨點紛秋氣澹爾塵心緬太虛淨掃
匡牀揩倦枕遠遶蝴蝶夢周初

先黃門海上秋閱圖

霜高大海矚瞳明鼓聲金鼓疊潮聲使臣持節肅秋令魚

謙谷集卷三

九

龍貌虎交光晶鯤身島蒼攢樹橫鹿耳門窄迴瀾清艦分
鳧雁隊將轉燾擁虹霓軍已成荷蘭國土無州城 本朝
內附番民并陸梁小醜昨敢蠹王師一怒收櫓槍不弛有
備臣丹誠繡衣坐鎮揚威名黃支烏弋悉請吏兩階永永
箭韶鳴中堂展挂鑪香縈指揮奕奕鬚髯生父書能讀要
神悟鵬鸞盤雲蒼昊晴

題坤一花卉冊六首

清泠淵水獨灣環碁弟梅兄未許班綽約可知仍處子天
風颺去纈姑山

香影孤山世外占漫將處士署頭銜待他結子成仁後金
鼎中間與下鹽

三月斜陽一片烟含情強寫落花鮮亦知風雨息息到富

貴由來不直錢

舊夢西泠散曉鐘紅衣未老重相逢清歌一曲留難住十丈高攀大華峰

露泣霜酣欲倚風阿誰采采出江中騷情牢落真無奈拚向尊前插髻紅

一樹珊瑚顚顚丹鶴頭相映傷雕闌尋常顏色無心傳且為冰霜耐歲寒

贈金雪堂先生

生不為宰相則願為名醫廿年活人命往哲今在茲草堂澗湖上自吟古調詩秋風落葉樹清嘯需吾時門多執經生家法傳諸兒葦山足冰雪奚復功名為

懷坤一嘉定

謙谷集卷三

十

天遠練江權月明何處樓思君應話我一日各三秋鴻鴈已辭塞芙蓉初發洲四先生里舊吟眺得無愁

懷季兄謝谷盛京

江鴻肅肅秋海月團團夜念我連枝人絃曲中觴罷醫無閭萬里島綠江寒瀉邠岐王跡多兩雪嚴程乍三年帶刑曹朱墨寡休暇邊民簡箠楚長得親教化去冬迎家室官宇稍寬架昨朝附書歸慈母色歡迎覽古循近郊時時馬鞍跨清風隨坐卧誰與共杯炙

送五兄輔原北上

匹馬京華去深杯水駟斟此行須捧檄頻歲柰分襟閩嶠寒雲斷遼關暮雪深復為燕薊別那憫弟兄心

題顧雪坡画松

雷雨擎空入太陰，清泉白石見高深。秋蘭香氣不知處，我欲此間張素琴。

六兄西長招飲啟秀堂

老屋臨溪風月殊，儘煩羹鱠救庖廚。狂來高齒屐相拉，凍後蜜棋花正敷。燭影坐搖深琥珀，柘枝催舞軟纒毬。汝南雞唱休頻促，如此良宵未可孤。

盆松聯句

朔風無時休，陳向中乳巢。原野肅，僵木空腔。又復又王，又曾。穀原老狀禿，還禿突。撐三尺，榦錢戴壺尊。青對數間屋，苔砌神潛王。筠瓦盆，氣難伏。蟄根終，蠖信卑。盤柯暫，蝟縮骨。骸俯而拳，曾髻鬣。仰以蠹，稍旁帶小峰。戴其上，覆高竹。晶晶香，綴脂筠。細細晴，瀉瀉瀑。時方寒，銷九臯。門外雪，飛六爐。溫柏子，薰會茶。苦杉枝，熟摩挲。滓惟冷，朋載影。響恍深，谷雖賒。大厦材筠寧，與凡卉。族何當，拔塵坳。卑那更，玩耳目。殘年抗，驕塞又曾。落景媚幽獨，雲龍幸相從。戴苓珀，奚待畜。惜無宏，偃手筠放筆，掃蒼爾臯。

冬至日雪

纔添弱綫，陽光復恰。值南榮，玉色重着體。寒威猶潑，水滿庭清響。獨搖松開筵，耐可招紅袖。卜歲奚煩問，老農暖氣漸。回杯漫覆草堂，長得太平逢。是日演劇

豫堂歸自馬蘭峪

青袍作客五寒暑，匹馬歸來夜相語。金臺霜濃秋草衰，無媒那得騰天達。三千珠履羅酒尊，古誼獨見春申敦。陵園蔥蘢五雲色，揮鞭直過蘭陽北。關門月黑虎豹嗥，劍歌悲

壯空人豪家山回首風吹屋求魚盡笑今綠木白駒過馳
難自保歸歟且勿傷懷抱江鄉數日梅花春為君開樽
招故人

豫堂惠高麗紙並貽長歌賦答

先生昨作遼東遊載歸繭紙高麗造島夷方法傳不得帆
海飛來勝霜編想當扶桑夜光照燭間綿軟金寒萬教擣
蠅頭作楷大擘窠書家画家供給多吾州名流近肩立特
遣分致慚如何先生深情殊未已申以濃墨為長詞歌成
欽崎歷落良有以十載論文行萬里木瓜投我貴知心違
論區區百番紙不然樹皮魚網益部箋澄心綴綴光渟淵
下者宣德三百年人間古製豈無十倍此何必新樣誇海
孺作詩謝先生吾言然不然

謙谷集卷第四

秀水 汪筠 珊立

題王石谷春山行旅圖

以下戊午

鷗波昔嘗作此本烏目仿之幾亂真王孫真本不可見寔
懸東壁愁懷新佛頭無雲高蠹蠹鴨頭有石寒粼粼長橋
架木危學棧野店縛草孤辭隣垂楊飛綿水蕪濕杜鵑啼
血山花勻前行已飽店口飯後到尚碾橋心輪征途如此
亦不惡東風老矣那再春囊金自走散利子載書乃雜求
官人春山有家盍歸去浮榮瞥眼隨埃塵我生未諳車馬
味看花不出江鄉身嗚呼丈夫百年弧矢會有事努力筋
骨成勞薪

讀書廣勤堂

謙谷集卷四

一室真堪隱浮名底用矜禽轂烟幌覺樹影石欄凭卧起
時同趣西南利得朋看春不須出樂此以為恒

送豫堂入京

歸衝臘雪瞥春陽正及梅花醉草堂豈意剪蔬同夜雨却
隨賓雁促行裝男兒直為功名老歲月難期聚散常此去
鞭絲寒食晚三千官路盡垂楊

雨餘

雨餘簾戶靜春事悵多違水郭游踪倦烟扉過客稀垂楊
催絮起語燕喚雛晚酌聊排悶花西月影微

眉客至

桐樹陰清處柴扉一笑開堂堂春已去相遇且銜杯

哭仲似山師

負郭曾無二頃田，杜陵直欲問蒼天。窮經皓首知何用，埋骨青山已復然。苦節庶蒙高士頌，遺榮端賴後人賢。多慙束髮虛陶鑄，重仰師門輒涕漣。

蛙

荻芽蒲葉路縱橫，依約中宵為點更。雨歇渚田潮欲上月，高池館夢初生。淒涼內裡官私問，畢竟誰家鼓吹聲。一怒居然恃智井，怪他常作不平鳴。

錢香樹先生枉過

槐雨歇清晝，衡門苔蘚深。西牕讀書處，咬咬響檐禽。高軒一以稅，抗對諧風襟。不聆大雅禪，詎識山水音。濡毫灑縑，素坡谷駢駸。駸道然發高詠，風憂蕭蕭林。明鐙已銜壁，有酒奉酌斟。蕙花芳可擷，小駐桐溪潏。

謙谷集卷四

二

張徵士瓜田見訪即贈

去年冰雪底，聞從河洛歸。相揖過春風，嵩雲猶在衣。夫君尚高節，巖阿道自肥。夙偕鹿門隱，方息漢陰機。奉母力負米，遠遊心所違。屋前桑幾本，濃葉今成圍。健筆老能盡，清吟聲獨希。端居如不出，入郡時敲扉。

觀陸包山小幘

秋海棠花綻石陰銅，盆翻水浴溪禽。南風灑壁清無事，槐影簾鉤一倍深。

武夷茶

武夷九曲四曲佳，御茶園廢餘蒼霾。春風粟粒羅生皆，摘鮮焙芳溪上娃。箬籠包裹走市街，此味不啻虛我儕。阿兄遠致蒙好懷，清晨試啜松下齋。黃梅水白簾冷偕好客，四

五無參差酪奴水厄徒該俳令人少睡輕百骸玉女峰高
仙鬢釵曾孫下界重來垂人間可哀蓬勃埋架屋息影頽
懸崖都籃何日雙芒鞵看山獨上青竹簾

上嵇相國一百韻

堯舜膺圖日夔龍拜績年作霖膏下土開府冠中天碩德
平章裕鴻猷節制專遂臨揚越甸高挹斗牛躔藩屏鹽梅
合蕭曾范富聯三朝歸翊戴萬物荷陶甄敷政調寬猛
遵王佐蕩平勲名光國乘忠孝本家傳慧嶺崇攀仰梁谿
浩溯沿大儒揚節義巍闕表山川閩海初苞蘖霞關值控
弦青袍助麾鉞白壁蹈戈鋌浩氣雷風薄剛腸鐵石鏘從
容文謝筆股嚮許張筵帝卹乘箕志神呵抱犢編幸蒙坤
德振勿使鳳巢顛柳氏丸多飲陶家髻少髮梨宗知特蔭

謙谷集卷四

三

梓俯侍重塞翼翼占門緒蒼蒼格上軋由來祚貞裔况是
篤純賢聳壑昂霄最鸞停鵠峙先登壇旗正正啟笥腹便
便致主難懷璞匡時願着鞭陸機方入洛鄩隗早遊燕特
達儕房杜蓬瀛到頂巔老萊堂北戲太乙閣頭燃

聖廟符親握蒼生席屢前懋膺儲相地敬和阜民絃建議
凌雲闕敷詞倚馬韉根源紹誠正述作燦璣璿矜伐祛私
臆謙尊協比肩身當南斗一手奉吉人千魯國升周鬢龍
門導晉淵衣冠歷華選濂洛契真詮高步麟隨篆清裁鏡
作銓迴翔徧中外葵藿愈芳鮮健順權交泰鐘鏞儼在縣
世宗勤繼聖恩遇煥凌烟師範今

皇帝文昌歲擢遷龍樓春預賞虎觀禮頓宣北面深調護
中台近接連持衡毗鈞石搆厦仗楠梗使者河堤領宣防

漢績堅賈潘饒準酌淮泗亟周旋靜制蛟龍窟兼通輓漕
咽雲梯沛清駛夫柳省喧闐瓜蔓冷冷瀉桃花細細澱虹
梁利朝涉雁戶帖宵眠瑞應靈祇告澄流雍豫延懷柔歆
饋記保鄣効明蠲 楓陛翹雲切蘭陔護日妍春秋侍珍
鶴竹便孃八座交唐戟諸侯珥漢蟬表忠先烈顯繩武後
昆騫驂篠循芝砌懸牙及蕙棗庭槐垂聶合宮錦舞褊襪
三策神駒轡層霄秘苑僊掌絲新鏤管撤御舊金蓮繼美
亨衢上叨榮湛露縣午橋莊旋闢金母駕俄還江夏推純
孝瀧岡守宿阡三霜潛燮理九命速聯翩苞彩銜麻下銀
沙救縣寘還朝躬啟沃弼聖位方圜典領羣僚穆陶融景
化迺同和復同節無倚更無偏仍寄來句職重賡既道篇

謙谷集卷四

四

紫垣遙夾輔宿海久洄漩恭際

龍飛運移分浙閩權蛻旌拂天目犀帶鎮瀛壖龜楮環經
畫陂陀捍穴穿中壘徐使壅萬馬已馴牽 睿慮紓南顧
冬官節帑錢農民安樹藝鹽筴盛熬煎行部班俱肅觀風
俗更滌桑疇寧失雨雪壟不生蜾長養歌庠序豐盈樂市
廛轅高春盎盎城靜鼓鼙鼙暇日遊明聖祠堂閱豆籩精
誠感遺笏潔白薦香荃紫翠雲林寺清涼六一泉髯公官
法酒太傳滿花船烏玳時霏墨朱欄漫灑箋大都君國愛
迥離語言禪文景成康會師儒將相緣中書裴復爾僕射
郭誠然鄧治襄清晏丹忱拱澗灑豈徒雄鎖鑰長此澤紘
埏駑質思千里棠陰庇一椽先公遺白簡舊業贖青檀泰
岱瞻穹翠滄溟納細涓吹噓惟豈弟旦晚豁蒙顛喬木家

邦蔭旂常述贊駢樹人勤握髮論道邈忘筌式化彌深矣
謳歌莫罄焉耆英儕洛社八百祝彭錢吳岫祥儀鳳幽人
誼獻玗琅琅紫芝曲竚聽五雲邊

餘舫曉起

藕花香在戶天碧露微點愛冷下庭階羅裳受風颭蕭蕭
竹數竿簾影互開掩

午睡聞蟬二首

雙梧百尺倚斜陽不住蟬聲聒草堂門外軟紅須插脚未
應高枕傲羲皇

近市蕭然水竹居八牕面面貯清虛煩君觸熱來相警掃
榻荷風讀道書

食瓜

謙谷集卷四

五

素手金刀落紅冰玉盃涼未甘先得燕少辦定多艱

西湖同乳巢受銘坤一汎舟小飲

紅蕩船相並青山客不孤掃開眉上事圍得鏡邊姝天月
望還望酒帘沽復沽綠堤誰弄水驚起樹頭烏

湖山神廟

剩水殘山秀所鍾金沙灘外盡芙蓉胡然楊塑青紅雜侈
爾班斤窳窳封條逝條來歌楚些疑雲疑雨夢巫峰日斜
遊女心香炷玉帶橋邊画舫逢

大佛寺

段家橋裏水烟和思淨遺蹤竹石多海眼困淪空復爾金
姿丈六待如何厨烟送午殘僧飯堦樹吟秋老鶴窠义手
山門成獨立西泠幾處采蓮歌

白沙泉

泉性得沙澄沙清泉愈甘無多涌山腹一潔隣僧龕汲將
明月色寶之貯石壘煮作秋風聲睨之生雲藍幽藏竹柏
覆賤賣兒童擔不逢桑苧翁使我歎息三

蛟龍引

昆吾石葛天盧如斯罈瓊今非無宋斤魯削地氣使誰與
之越之勾吳董山錫耶谿銅扶爐者蛟龍進火則男女奮
椎椎出豪豐隆殫精作此良不偶犀表璜飾仍能熊水試
陸試憑所用左光右光爲君從刺鐘不可以補履鬪雞之
好漆園恐燿如秋水如蛛霜張伯有璧烏敢藏鹽車一顧
煩孫陽吁嗟乎風胡薛燭雷孔章

製紙帳

謙谷集卷四

六

新裁十幅剡溪藤絕勝流蘓錦一層夢入梅花春不管可
知身作玉壺冰

寄孟兄興化

莆中勝槩憶年季爲牧還聞攝郡賢梅隱尋花通竹隱溪
田觀稼接山田故家數問藏書地佳日遙題壽母篇一語
報君多樂事北堂拜慶小春前

斷壺硯

水坑琢何年銘詞嬾終讀憐渠青蔓除老狀頓秋屋

題王酉室墨牡丹

百朵爭暄一朵先紫檀金籽擊春烟画花要復得花理曉
晴瓣瓣攢心鮮花高一丈大如斗想當落筆定飲酒不然
淋漓墨汁那得如此濃添入狸奴崔白趙昌亦何有

送屠祖武之偃師丞

風雪之官洛水尋，春秋六十尚雄心。
蓮花幕晚銜杯別，絳氏山遙跨鶴吟。
蹋草唐陵寒食下，看碑舜廟碧雲陰。
懸知暇日多高興，不為塵埃案牘侵。

送曹元公之大同

朔風千里萬里濁，酒無情有青塚淒涼草。
色黃河窻窳水聲。

飲靜巖季父蘭露軒

以下已

壘石疏泉一紀遙，堂圍竹樹徑通橋。
春風向晚徐徐入，梅萼當筵細細饒。
酒暖越州揮玉斝，歌清車子按瓊簫。
長廊月出紅鐙上，醉不催黠柰此宵。

喜蘅客至

謙谷集卷四

七

出戶悵思君，帆葉津頭却綠醅。
初撥春紅蠟為燒夜。

柴墳看桃花

雲髻烟鬟一雨千，枝萬朵烘霞烏。
唬樹頭天冷水到人間。
夢賒

登準亭山頂同仲兄涵存

蛇涎出層巔，相持不後先。
蒙龍千樹夾，砒砢半山偏。
應谷啼群鳥，衝花瀉碧泉。
老僧遙指點，雪浪動江天。

幽居書事用六州噴飯集韻

集為公著

先本生祖鷗亭

松梢月與竹梢雲，清事谿堂曉暮分。
燕語未隨鶯語老，鷺兒看入鴨兒群。
官商剖析翻詞譜，金石搜羅校篆文。
同學故人稀會面，糟牀新注遣知聞。

題蔡放逸翁竹寒沙碧山莊圖六首

萬壑融春石乳流百灘新漲浪花浮人間亦有銀河水底
要乘槎犯斗牛

搓酥滴粉曉光勻種得桃花夾岸春此是山翁娛老計不
曾勾引捕魚人

日落秋山晚色寬餘杭兌酒壓新寒一林鴉舅明於火儘
向先生醉後丹

瑤淙澗水響柴門一曲澗洄繡石根恰與幽人供洗耳在
山不似出山渾

閒趁清陰曳杖遊森筭千畝壑雲流天然橫幅湖州画夜
夜寒聲不待秋

昨夜長空撒六花寒姿催綻竹籬笆一雙野鶴投孤嶼錯
認林逋處士家

曝書

謙谷集卷四

八

聚散踪難定丹黃澤尚存薰風一披拂正掩小蓬門

寓園雜題三首

舊說西城墅人言六月寒石橋門外跨薜徑竹中盤老樹
高臨水奇峰突倚欄無多紅白蕩卻已得花看

終朝何所作佳客且相於瓜李堆冰處軒楹送雨初教翻
良輔曲聽說敬亭書偶此同言笑殊憐歲月虛

身閒少拘檢興極有蒼茫往事悲流水何人築草堂花衰
寧若草露冷漸為霜吾意竟安托石欄憑夕陽

過坤一草堂

秋花庭下紅翠物論人間短長門揜深山不出杯邀明月
何妨

冷仙亭

逕竹陰陰晚池花瑟瑟秋鳳鳴空協律蟬蛻自浮漚白月
長相照黃金不可求何須乞靈夢身世一沙鷗

攜手曲

雲廊遶水殿綺席傷雕櫳桂影團圞候荷香笑語中君心
良不二妾貌正能紅昔日班姬扇曾搖暑月風

子夜歌六首

持鏡作屏風全身都可憐着衣相近立長短及郎肩
日昨見面初兩愛奪金玉心非黃河水到底那得濁
離離蟾兔沒倏忽東方螢新衣極心作反覆隨郎好
歡莫作藕絲儂故作蓮子蓮子心苦徹藕絲斷難理
促膝夜深語玉蟲懸金釭秣陵到揚子來去一條江

謙谷集卷四

九

歡行定何處白日眈殺儂江頭少風露肯便惜芙蓉
子夜四時歌五首

懽情若春水日日江頭深春風不吝雨大得春花心
並出北池上為整羅衣裳午風透體來使儂珠汗涼
今宵河再渡望久風吹鬢定知歡與儂好月偏教閨
涼秋月端正不眠看最可莫更騁儂嬉清淺桐陰坐
重門雪飄晚斗帳垂香羅玉顏映酒紅畝與梅花多

前溪歌二首

源出銅峴山流至江子滙郎心得如水宛轉長相愛
生小習歌舞春風溪上村煌煌儂明珠白日來我門持底
報郎恩

阿子歌二首

浮深還戲廣風雨湖之曲幸是無他心脛短無須續
唼喋鴛鴦湖那必鴛鴦許朱朱雞勿爭蘋蓼自容與

懊儂歌二首

布帆遙阿那輒復去他縣相懽不相保何用時相見
道花長在樹故不盡日看道歡長在傷悔懊無一言

讀曲歌二首

出門不識路懽正無由返一步隔千山中間無論近與遠
憶歡愧相告衆中觸春傷翻言我年少

石城樂

少年不識愁酣酒歌春陽落日石城下綠鞵衫子黃

估客樂

男兒著處家寢食何常定大艚有情來因風及樊鄧

謙谷集卷四

十

襄陽樂二首

暫出大堤城來遊解佩渚可憐諸女兒清歌動南楚
別去長相憶今仍刺雍州羊公置酒處風景重生愁

三洲歌

把酒祝風色吹颿轉江濱郎心三义水會合不更分

襄陽蹋銅蹄

白馬黃金羈躑躅乘春飛手撻江南花卽日當來歸

採桑度三首

蠕蠕滿一樞津頭桑葉白衝曉攀柔條女兒紅袖窄
與歡桑下嬉置筐看流水屋裏防蠶饑枉殺風日美
何當質釵釧一月辛勤罷未得賣新絲里正持符下

孟珠

月午正團圓恰得霞光捧將儂近歡前的的互嬌寵

南湖玩月

獨上元龍百尺樓碧天風露近中秋芙蓉插髻酣酣舞嬾看星文入斗牛

十五夜獨酌歌

完月不如缺月好缺月想望多餘情今宵已完明即缺此情恐恐何能貞少年不識東風苦及至春歸浩無主况復秋霜旋冬雪君今不醉徒愚魯東家糟牀已聞醉我甕雖空猶可借樓頭滿月須恣看日不扶桑蓋休罷姮娥無言心寸丹從容畢現全身寒凌霄要出宇宙外坐拍桂樹花邊欄美酒呼將五百斛醒酌樹根醉獨宿零星遺却人間愁不記明朝是十六

謙谷集卷四

十一

湘絃怨四首

秋風不辨花與葉一例吹殘聲獵獵雁來燕去人不寐露下螢飛獨悲妾合歡中絕班姬篋黃姑織女豈相接高天不惜秋風吹紅顏勝人亦何為

君莫歌妾能舞妾舞君歌夜方午寧知顛風促花苦喚歸明月當堦雨重門風雨亦無難催花護花君自看竹須長吹然更彈羅衣著體何知寒

草亦不雜蘭亦不鋤草多蘭少終焉如惻惻榮君之玉除孤叢裊露春幾餘琵琶絃高響中夜玉琴金徽黯方罷魚目明珠莫分價昨日花應今日謝

東流之水或西歸洗紅未換當年衣妾心不逐秋風涼肥瘠與君隨短長自行磨拂青銅鏡約翠安黃強端正玉簫

閒捻尋簫譜直待重逢爲君舞

題周之冕牡丹

繁華何許競殘春一朶晴牕潑墨新想得洛城車馬度看
花不屬種花人

寄受銘硃石

青山東復西有客此中題白日不知暮秋風還獨淒鐘聲
時出夢柳葉欲空堤騷屑憑誰問真拚醉似泥

題佛手柑

功德香清撲鼻回可知摘自梵雲隈前身慧業玲瓏記曾
向如來合十來

浮谿館雜興四首

鳥下庭偏靜烟銷竹自長浩歌惟淥水小夢已斜陽手試

謙谷集卷四

十一

燒丹訣人傳釀秫方微風颯然至一爲掃佳牀

寂莫苦無事男兒知柰何鏗疎深院剪曲慢小伶歌玉茗
春風幻長生夜雨譌閒愁從所適始信寓言多

恨賦恨人讀秋心秋士繁能無六月雪乃有四聲猿觴急
歌催板天低雪擁門唾壺真欲缺此意向誰論

吾亦從茲逝空山處處雲人間哀豈了仙子藥堪分月下
和鸞嘯松陰伴鹿群何心還齷齪與世復云云

題魯得之竹

展拓湘江秋葉葉掃風露仍憐左手書春動嶽雲句

嘗見郡城沈氏齋中懸魯君擘窠書春氣塞空花露滴朝陽
拍海嶽雲歸仙詞二句書特靈妙自識云用左腕

雪夜懷坤一

園竹罄應偏庭蘭凍仍圻默默草元人孤清得毋白

題寫生蓮蓬

粉墜秋風瘦不堪
空房疑有淚珠含
苦心結子無人識
羸得三生画裏參

懷五兄大同

朔天南雁將愁至
燭影虛堂不成寐
關門雨雪連江阻
縱有梅花無駒使
白登山頭寒月澄
桑乾河上風合水
宦情漸薄鄉心切
撥置中宵能不能

謙谷集卷四

三

謙谷集卷第四



